



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1702. usque ad annum 1708

**Fleury, Claude**

**August. Vind. [u.a.], 1781**

**VD18 13322648**

§. 26. Bisuntinæ Synodi decreta.

---

[urn:nbn:de:hbz:466:1-67633](https://nbn-resolving.org/urn:nbn:de:hbz:466:1-67633)

§. XXVI.

*Bisuntinae Synodi decreta.*

Sæc. XVII.  
A. C. 1707.

Hoc item anno die tertia Julii Franciscus Josephus de Grammont Archiepiscopus Bisuntinus edictum pro suis Diæcesanis evulgavit, in quo per niciosum Baylii Dictionarium, Montensem N. T. versionem, P. Juenini Institutiones Theologicas, & præcipue *Reflexiones Morales P. Quesnelli* damnavit, proscripsitque: ejus quoque exemplum sequebatur Bargedeus Nivernensis Episcopus, qui etiam in suo edicto asseruit, quod in pluribus Quesneliani novi Testamenti locis errores jamjam damnati innoventur, ac fidelibus seditiosa consilia contra auctoritatem tam sacram quam profanam instillentur. Insuper idem Bisuntinus Archipræsul hoc adhuc anno die decima quinta Augusti Diæcesanam habuit Synodum, in qua priorum Synodorum decreta & statuta in unum volumen collecta publici juris fecit, ex quibus sequentia magis notanda occurrunt. I. Ne Clerici sine scripta Episcopi licentia in S. Ordinibus, vel in Missæ Sacrificio sine Pontificis facultate ficta cæsarie utantur. II. Parochus ad aliam Parochiam assumptus novum examen

*Lettr. Theol.*  
*lett. 10.*  
*pag. 5.*  
*Lafiteau*  
*Hist. de la*  
*Const. l. I.*  
*pag. 89.*  
*Concil. German. t. 10.*  
*pag. 270.*

R r 2



**Sæc. XVII.** men subeat. III. Nullus etiam a Pa-  
**A. C. 1707.** trono præsentatus ad curatum benefi-  
 cium admittatur, nisi saltem per octo  
 Menses curam animarum apud aliquem  
 Parochum exercuerit. IV. Eremitæ  
 non tolerantur in Parochiis, nec Elee-  
 mosynas colligant sine Ordinarii licen-  
 tia. V. Ludimagistri puellas post no-  
 num ætatis annum ad Scholas suas  
 non admittant, VI. Titulus Beneficii  
 vel Patrimonii sint saltem ducenti Franci.  
 VII. Parochus duabus Dominicis con-  
 tinuis Catechismum omittens graviter  
 peccat, casumque Episcopo reservatum  
 incurrit. Denique Synodus proscripsit  
 Jansenii Augustinum, Arnaldi librum  
*de frequenti communione*, & opuscula  
 Abbatis San - Cyrani.

## §. XXVII.

*Diversæ Clementis XI. Constitutio-  
 nes & epistolæ ad varios.*

*Bull. magn. Const. Clem. XI. p. 61.* Præter varias Constitutiones, quibus  
 Clemens XI. Papa læsam immuni-  
 tatem reparare sategerat, insuper die  
 vigesima tertia Maij plenariam concessit  
 Indulgentiam visitantibus Ecclesias ter-  
 tii Ordinis S. Francisci in die SS. Lo-  
 dovici Regis & Elisabethæ Hungaror-  
 um Reginæ: Cum autem Mense No-  
 vembri militum legiones in Parmensem